



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

45. Grata familiaritatis &c. Privilegia concessa Cappellanis Communibus
Cappellæ Pontificiæ.

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

ces existere, & fore, suosque plenarios, & integros effectus sortiri, & obtinere debere, & ab omnibus, ad quos spectat, & pro tempore quando-cunque, & quomodocunque spectabit, inviolabiliter observari.

Claufula
sublata.

§. 9. Sicque, & non aliter per quosunque Judices Ordinarios, & Delegatos, etiam Causarum Palatii Apostolici Auditores, & dictum S. R. E. Camerarium, aliosque Cardinales, etiam de Latere Legatos, necnon Camera præfatæ Præfidentes, Clericos, aliosque Officiales, & Ministros, cæterosque quoslibet, quacunquē auctoritate, præminētia, & potestate fungentes, & functuros; Sublatâ eis, & eorum cuilibet quavis aliter judicandi, & interpretandi facultate judicari, & definiri debere; Irritum quoque, & inane, si secus super his à quoquam quavis auctoritate scienter vel ignoranter contigerit attentari.

Deroga-
tiones.

§. 10. Non obstantibus, quatenus opus sit, nostrâ, & Cancellariæ Apostolicæ Regulâ, de jure quaesito non tollendo, illisque omnibus, quæ præfati Pius, Paulus, & Innocentius Prædecessores in memoratis eorum literis respectivè voluerunt non obitare, ac præmissis circa ea, quæ præsentibus adversantur, aliisque Constitutionibus, & Ordinationibus Apostolicis; necnon quibuscunque etiam præfatorum Tribunalium decretis, statutis, usibus, stylis, & consuetudinibus, etiam immemorabilibus, etiam juramento, confirmatione Apostolica, vel quavis alia firmitate roboratis; Privilegiis quoque, & indultis, & literis Apostolicis quibuscunque, sub quibusvis tenoribus, & formis, & cum quibuscunque, etiam derogatoriis derogatoriis, aliisque efficacioribus, efficacissimis, & insolitis clausulis, ac irritantibus, & aliis decretis, etiam motu, scientia, & potestatis plenitudine similibus, & consistorialiter, ac aliâ quomodolibet in contrarium præmissorum concessis, editis, ac etiam pluries, & quantiscumque vicibus confirmatis, innovatis, & approbatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, non autem per clausulas generales mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & formâ in illis traditâ observatâ exprimerentur, & infererentur, iisdem præsentibus, pro plenè, & sufficienter expressis, insertis, servatis, & specificatis habentes, illis aliâ in suo robore permanentibus, ad præmissorum effectum specialiter, & expressè, plenissimè, & amplissimè derogamus, & derogatum esse volumus, & mandamus, cæterisque contrariis quibuscumque.

Sanctio
pœnalis.

§. 11. Nulli ergo omnino hominum liceat paginam hanc nostrarum approbationis, confirmationis, innovationis, voluntatum, statutorum, decretorum, mandatorum, sanctionis, & derogationis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud S. Mariam Majorem Anno Incarnationis Dominicæ millesimo sexcentesimo nonagesimo tertio, Pridie Nonas Decembris, Pontificatus Nostri Anno Tertio.

D. 4. Dec.
1693. P.
A. 3.

B. Card. Prodaturus

J. F. Card. Albanus.

Visa de Curia J. Sacripantes.

D. Ciampinus.

Loco † plumbi

Registrata in Secret. Brevium.

Publicatio

Anno à nativitate D. Nostri Jesu Christi millesimo sex-

centesimo nonagesimo tertio, Indictione prima, die vero quinta Decembris, Pontificatus autem sanctissimi in Christo Patris, & Domini Nostri, Domini Innocentii Divinâ providentiâ Papa XII. Anno Tertio: Supradicta Constitutio affixa, & publicata fuit ad valvas Ecclesiæ S. Joannis Lateranensis, Basilica Principis Apostolorum, & Cancellaria Apostolica, in Acie Campi Floræ, ac in aliis locis solitis, & consuetis Urbis, per me Joannem Grecum ejusdem Sanctissimi Domini Nostri Papa Cursorem.

Thomas Orlandus Curs. Magister.

Privilegia concessa Cappellanis Communibus Cappellæ Pontificiæ.

INNOCENTIUS PAPA XII.

Ad futuram rei memoriam.

GRata familiaritatis obsequia, quæ dilecti filii Joachimus Tenaciolus, Civitatis Castellæ Canonicus secularis, & Collegiæ Ecclesiæ Sancti Nicolai in Carcere Tulliano de Urbe, Carolus Emidius Ridolphus Afculanus, Hieronymus Ferrarius Novariensis, Joannes Dominicus Cozzardus Romanus, Bernardinus Brusettus Venetus, & Dominicus Palloccius Sabinen. Diocesis Presbyteri moderni Cappellani, familiares nostri, Nobis, & Apostolicæ Sedi hætenus impendunt, & adhuc sollicitis studiis impendere non desistunt, nec non vitæ, ac morum honestas, aliaque laudabilia probitatis, & virtutum merita, quibus eorum personas, tam familiari experientia, quam etiam fide dignorum testimoniis juvari percepimus, Nos inducunt, ut illis reddamur ad gratiam liberales.

Motiva
concessio-
nis Privile-
giorum.

§. 1. Hinc est, quòd Nos volentes illos specialibus favoribus, & gratis profecqui, eosque à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, Motu proprio, non ad supradictorum Joachimi, Caroli Emidii, Hieronymi, Joannis Dominici, Bernardini, & Dominici, vel alicujus ipsorum, aut aliorum pro eis Nobis super hoc oblata petitionis instantiam, sed de mera nostra deliberatione, ac certa scientia, Apostolica auctoritate, tenore præsentium, Joachimum, Carolum Emidium, Hieronymum, Joannem Dominicum, Bernardinum, & Dominicum prædictos, & illorum singulos, in Nostros, & Sedis Apostolicæ Notarios recipimus, ac Sacri Palatii, & Aulae Lateranensis Comites (sine tamen dilectorum filiorum Notariorum de numero participantium præjudicio) nec non Nobiles Romanos, & Urbis Romæ, omniumque, & singularum Civitatum, Terrarum, & locorum S. R. E. mediare, vel immediate subjectorum, Cives creamus, & constituimus, ac in numerum, & consortium aliorum nostrorum, & ejusdem Sedis Notariorum, nec non Palatii, & Aulae hujusmodi Comitum, ac Nobilium Romanorum, aliorumque Civium Civitatum, & Oppidorum prædictorum referimus, & conscribimus, ipsisque, etiam si habitum, & rochetum Notariorum dictæ Sedis, juxta Decretum Lateranensis Concilii novissimè celebrati, non deferant, aut Civitates hujusmodi non incoluerint, nec unquam in eisdem Civitatibus domicilium habuerint, ut nihilominus omnibus, & quibuscumque privilegiis, facultatibus, exemptionibus, immunitati-

Receptio
in Nota-
rios Apo-
stolicos
Comites
Palatii
nos &c.

Privilegium Civilitatis Urbis, aliarumque Civitatum

Concilii Tridentini limitatio preservatur, aliaque excipiuntur.

Exemptio ab omnibus impositionibus, seu taxis præterquam contra Infideles, & durante servitio.

Dispensatio super

bus, libertatibus, favoribus, gratis, & indultis, quibus ceteri omnes Notarii nostri etiam de numero participantium, necnon Comites, & Nobiles, ac Cives Originarii, etiam in Dignitatibus, ac Beneficiorum Ecclesiasticorum, & secularium, etiam ex personis Romanorum originariorum vacantium, affectuione & exercitio, tam in Urbe, quam in Civitatibus prædictis, ac aliis ubique locorum, & gentium, necnon sessionum, & Conventuum utuntur, potiuntur, & gaudent, ac uti, potiri, & gaudere poterunt, quomodolibet in futurum, non solum ad illorum instar, sed pariformiter, & æquè principaliter, ac si privilegia, facultates, exemptiones, gratiæ, & indulta pro ipsis emanassent, (citâ tamen exemptiones à Concilio Tridentino sublatas, itaut nedum quoad criminalia, sed etiam quoad civilia subjaceant Ordinariis, ac facultates legitimandi, ad gradus promovendi, & Notarios, seu Tabelliones creandi, aliaque hujusmodi privilegia à Notariis Sedis Apostolicæ, & Comitibus Palatinis præsentia, itaut illis supræmemorati Cappellani familiares nostri nullibi uti valeant, ac irritum, & inane existat, si secus super his à quoquam quavis auctoritate scienter vel ignoranter contigerit attentari,) uti, potiri, & gaudere, ac in omnibus, & singulis Apostolicis, aliisque litteris, Instrumentis, & scripturis publicis, & privatis deinceps eorum nomine conficiendis, sese Notarios, Comites & Nobiles, ac de nobili genere ex utroque parente procreatos, necnon Romanæ, & aliarum Civitatum Cives, ut libuerit, inscribere, & se illis subscribere, valeant, ac pro veris & non fictis Notariis, Comitibus, Nobilibus, & Civibus habeantur, nihilque qualecumque illud fuerit, cum iis expressionibus, subreptitium, obreptitium, aut invalidum, sed illud idem efficax in omnibus, & per omnia censeatur, concedimus, & indulgemus.

§. 2. Et insuper illos, eorumque beneficia, & officia Ecclesiastica quæcumque, quorcumque, & qualiacumque, illorum fructus, res, & Jura ubicumque locorum, Regionum, & Provinciarum, necnon in Urbe, Civitatibus, Terris, & locis eisdem Romanæ Ecclesiæ mediâtè, vel immediâtè subiectis consistentia, prædia, domus, possessiones, & bona patrimonialia, aliaque temporalia mobilia, & immobilia, & se moventia, necnon actiones, & jura præsentia, & futura, cujuscumque qualitatis, quantitatis, & naturæ, & cujusvis etiam annui valoris, fructus, redditus, & proventus hujusmodi sint, vel fuerint, ac etiam quæcumque ab illis vendenda, ac pro illorum, familiarumque suarum usus emenda, ab omnibus, & quibuscumque decimis, quartis, & dimidiis partibus, subsidiis etiam charitativis, necnon Vectigalibus, Portoriis, Tributis, Datis, & Pedagiis, Collectis, & quocumque alio nomine nuncupatis, Angariis, Perangariis, cæterisque oneribus, & contributionibus tam urbanis, quàm rusticis, ordinariis, & mixtis, etiam ratione munitionum, mœnium, & pontium, portarum, & moliturarum, & mercium cujuscumque generis transitus, seu passus, & vecturæ, etiam in aliud Territorium, seu Provinciam, Terram, Mari, & Flumine, necnon equorum mortuorum, stabulationum Militum, Institutionis Seminarii Ecclesiastici, aut quacumque alia quantumvis gravi, & gravissima causa, pro subventionem contra Infideles dumtaxat exceptâ) nunc, & pro tempore impositis. Ita quod illi, & quilibet eorum, nihil omnino horum, aut aliorum similium subire teneantur, nec per Camera Apostolicæ, aut alios Commissarios, seu Vectigalium, & Tributorum hujusmodi redemptores, conductores, & exactores quocumque privilegio, exemptione, & facultate suffultos, alias quam ut præfertur valeant coactari, quamdum servitiis nostris insisterint, dumtaxat eximimus, & liberamus.

§. 3. Ad hæc cum eisdem, ut quæcumque duo dissimilia, vel similia simplicia sub singulis tribus

tectis quorcumque trium Cathedralium, etiam Metropolitanarum, aut aliarum Ecclesiarum consistentia, etiam unum ex illis omnibus cum cura, aut dignitas, etiam major, & principalis Canonicatus, & Præbenda, Personatus, Administratio, vel Officium fuerit, & ad Dignitatem, Personatum, Administrationem, vel Officium hujusmodi confueverit quis per electionem assumi, eisque etiam cura jurisdictionalis imminet Animarum, si eis aliâs canonicè conferantur, aut ipsi eligantur, præsententur, aut aliâs assumantur ad illa, & instituantur in eis recipere, & dummodo illa omnia, uno excepto, personalem residentiam non requirant, infimul quoad vixerint, retinere, nec non etiam quamdiu Nobis inservierint tum in Beneficiis Ecclesiasticis, non tamen Parochialibus, vel Curam Animarum Parochianorum habentibus per eos pro tempore obtentis, etiam de jure, statuto, fundatione, vel privilegio personalem residentiam requirentibus, etiam si Dignitates in Metropolitanis, vel Cathedralibus majores, & in Collegiatis Ecclesiis hujusmodi principales fuerint, personalter residere non teneantur, nec ad id per locorum Ordinarios, seu Ecclesiarum earumdem Capitula, aut quovis alios ad residendum interim in illis invitari compelli possint, omnesque, & singulos illorum Beneficiorum obtentorum fructus, & redditus, durante servitio prædicto, cum ea integritate, distributionibus quotidianis dumtaxat exceptis, cum qua illos perciperent, si in eisdem Ecclesiis, sive locis personalter residerent, percipere, exigere, & levare, proviso tamen per eos, ut onera eisdem dignitatibus, & beneficiis quovis modo incumbentia congruè supportentur.

§. 4. Necnon, etiam si Presbyteri fuerint, ac Dignitates, & officia obtinuerint, Leges, & Jura Civilia, etiam publicè in Scholis, & Universitatibus Studiorum generalium, ad quinquennium dumtaxat, dummodo idem trigessimam ætatis annum non exceßerint, audire, ac si habiles, & sufficientes reperti fuerint, etiam ad Doctoratus gradum in hujusmodi facultate se promoveri facere, ipsaque Jura, etiam publicè docere, atque Judicis, Advocati, aut Procuratoris officium in causis Ecclesiasticis, & civilibus tantum exercere liberè, & licitè possint, & valeant, de speciali dono gratiæ dispensamus.

§. 5. Liceat quoque ipsis, & eorum singulis, aliquem idoneum, & ab Ordinario approbatum Presbyterum Secularem, vel cujusvis Ordinis Regularem in suum eligere Confessorem, qui vita eis comite eos, & ipsorum singulos à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione, vel causa latis, & per eos incurulis, & quibus ipsos pro tempore illaqueari contigerit, etiam si absolutio Nobis, & Successoribus nostris Romanis Pontificibus pro tempore existentibus specialiter, vel generaliter reservata existat, & quoruncumque votorum, & Ecclesiæ præceptorum transgressionibus, homicidio casuali, manuum violentiarum in quavis personas, etiam Ecclesiasticas (non tamen Episcopos, vel alios Superiores Prælatos) de præterito injectionibus, seu consilii, vel favoris ad id præstationibus, jejuniarum omissionibus, necnon recitationis horarum Canonicarum, aliorumque Divinarum Officiorum, ac denique ab omnibus, & quibuscumque aliis eorum peccatis, criminibus, & excessibus, ac delictis, quantumcumque gravibus, & enormibus, etiam talibus, propter quæ Sedes prædicta merito consulenda foret, videlicet à contentis in litteris die Cœnæ Domini publicari consuevis, semel tantum in vita, & mortis articulo, in reliquis verò dictæ Sedi quomodolibet reservatis, aliisque quibusvis casibus semel in anno confessionibus illorum diligenter auditis, sine tamen

pluralitate Beneficiorum, & residentia in non Curatis.

Indultum vacandi publicè Juri Civili, legendi, & advocandi in Ecclesiasticis.

Eligendi sibi Confessarium, & absolvi à reservatis, & de votorum commutatione.

Facultas
transfe-
rendi pen-
siones. aut
fructus us-
que ad sum-
mam cen-
tum ducato-
rum.

alicujus præjudicio, prædicta auctoritate Apostolica absolvere, & illis pro commissis penitentiam pro modo culpæ injungere salutem, necnon vota quæcumque, Ultramarino, Visitationis liminum Beatorum Petri, & Pauli Apostolorum (Castitatisque & Religionis votis dumtaxat exceptis) in alia pietatis opera commutare possit.

§. 6. Ac etiam eisdem, eorumque singulis, ut quicumque locorum Ordinarii, Canonici Metropolitanarum, seu aliarum Cathedralium Ecclesiarum, aut personæ in Dignitate Ecclesiastica constitutæ, tam in dicta Curia, quàm extra eam etiã ad id per eos, aut eorum singulos coram Notario, & testibus fide dignis eligendi, seu eligendæ quæcumque pensiones annuas, eis, & eorum singulis super Mensarum Abbatialium, seu Episcopopalium, aut Archiepiscopopalium, & quorumcumque aliorum Beneficiorum Ecclesiasticorum cum cura, & sine cura Secularium, & quorumvis Ordinum Regularium, etiam Hospitalis Sancti Joannis Hierosolymitani quomodocumque, & qualitercumque qualificatorum fructibus, redditibus, proventibus, juribus, obventionibus, & distributionibus, etiam quotidianis, seu illorum loco fructus, proventus, jura, obventiones, distributiones, & emolumenta sibi nunc, & pro tempore assignata, & reservata, quomodocumque simul, vel successivè, in toto, vel in parte, usque ad summam centum ducatorum auri de Camera de eorundem Cappellanorum, vel cujuslibet ipsorum respectivè consensu, in toto, vel in parte, etiam in mortis articulo cassare, & extinguere, ac postquam cassata, & extinctæ fuerint, alias similes pensiones annuas super fructibus, redditibus, proventibus, juribus, obventionibus, & distributionibus, seu illorum loco fructus, redditus, proventus, jura, obventiones, & emolumenta hujusmodi, etiam usque ad summam prædictam uni, vel pluribus aliis personis, etiam per eosdem Cappellanos, & eorum singulos nominandis, & quæcumque, & qualiacumque Beneficia Ecclesiastica obtinentibus, & expectantibus, seu Clericali caractere insigniri volentibus, similiter eis quoad vixerint, vel eorum legitimis Procuratoribus, eisdem modo, & forma, quibus eisdem Cappellanis assignatæ, aut reservatæ, vel assignatæ, concessi, seu concessa fuerint, etiam absque consensu eisdem pensiones, & fructus, redditus, proventus, jura, obventiones, ac distributiones, & emolumenta hujusmodi solvere debentium, etiam si pluries cassatæ, & de novo assignatæ fuerint, usque ad summam, & quantitatem prædictam, ac alias cum omnibus, & quibuscumque exemptionibus, privilegiis, decretis, clausulis, cautionibus, vinculis, obligationibus, & cautelis, ac etiam censuris, & pœnis in prioribus reservationibus hujusmodi concessis, & contentis integrè persolvenda, servata tamen forma Constitutionis sel. rec. Innocentii Papæ XI. Prædecessoris Nostri super translationibus pensionum editæ, reservare, constituere, & assignare.

Etiam si
alias trans-
ata.

Facultas
testandi de
acquisitis
ab Ecclesi-
asticis, &
de fructi-
bus.

§. 7. Necnon ut iidem Cappellani, & eorum quilibet de omnibus, & singulis domibus, prædiis, possessionibus, terris, & locis, etiam jurisdictionalibus, cæterisque bonis immobilibus, & mobilibus, quæ tamen non sint Altaris, seu Altarium Ecclesiarum ipsis Cappellanis nostris prædictis commissarum ministerio, seu alicui speciali earundem Ecclesiarum Divinò cultui, vel usui deputata, seque moventibus cujuscumque qualitatis, valoris, speciei, & conditionis existentibus, ac juribus, & actionibus ad eos ratione Ecclesiarum, etiam Cathedralium, & Metropolitanarum, Monasteriorum, Prioratum, Præpositurarum, Dignitatum, & aliorum quorumcumque Beneficiorum Ecclesiasticorum cum cura, & sine cura Secularium, & quorumvis Ordinum Regularium, quæ ex quibusvis concessionibus, & dispensationibus Apostolicis in Titulum, Commendam, Administrationem, ac alias quomodolibet obtinue-

rint, & obtinent, ac obtinebunt, ac fructuum, reddituum, & proventuum Ecclesiasticorum loco pensionum annuarum, super similibus fructibus, redditibus, & proventibus eis reservatarum, & assignatarum, ac reservandarum, & assignandarum, quos, & quas perciperint, & percipiunt, ac percipient in futurum, necnon emolumentorum quorumcumque Romanæ Curie officiorum, ac alias quomodolibet spectant., & pertinent, ac etiam de dictis fructibus, redditibus, proventibus, ac pensionibus annuis, necnon eorum industria, & labore quomodolibet, & undecumque licitè tamen acquisitis, & acquirendis, ac alias etiam de muneribus, & officiis, quæ exercuerint, & exercere contigerit, & alia quavis occasione, vel causa, seu contemplatione, ad eisdem perventis, & perventuris, etiam si in pecunia numerata, ac localibus, gemmis, aliisque pretiosioribus rebus consistant, tam in dicta Curia, quàm extra eam ubique locorum, etiam penes Beneficia ipsa existentibus (quorum omnium qualitates, & veros annuos valores, etiam si talia forent, quæ in generali appellatione bonorum, & suppellectilium non venirent, sed specialibus indigerent vocabulis presentibus, ac si specificè, & singillatim exprimerentur, & denotarentur, pro sufficienter expressis, ac declaratis haberi volumus) ac etiam de ipsis proventibus, ac pensionibus debitis, ac debendis, ac nondum perceptis, & exactis, etiam si eorum solutionis, aut perceptionis terminus nondum advenerit pro illa rata quæ illis debita erit (constitutione declaratoria super fructibus, & pecuniis non exactis, quæ forsitan ad successores in ipsis Beneficiis spectare, & pertinere debeant) non obstant, etiam accumulativè cum quibusvis aliis similibus, vel dissimilibus facultatibus habitis, & habendis, usque ad summam ducatorum ducatorum auri similitum dumtaxat, tam pro decentibus, & honestis impensis funebribus, quàm etiam pro remuneratione illorum, qui eis viventibus inservierint, etiam ultra servitii meritum, ac in ipsorum Consanguineorum, & Affinium, ac quorumcumque piorum locorum favorem, & usum, & alias pro eorum arbitrio, & voluntate absolutis testari, ac testamento, codicillis, fideicommissis, legatis, donationibus, tam inter vivos, quàm causa mortis, & aliis quibuscumque modis & titulis, scriptura etiam minus solemnè, etiam coram duobus, vel tribus testibus, aut etiam schedulâ solâ eorum manu scriptâ, vel subscriptâ, ac alias in omnibus, & per omnia, prout, & quemadmodum eis videbitur, etiam in ipsa Curia (non tamen extrâ residentiam) etiam in mortis articulo, & non facta mentione presentis, vel aliarum eis pro tempore concessarum similitum facultatum, aut quod in vim illarum testari, seu disponere velint, & intendant, semel atque iterum, & pluries disponere, statuere, & ordinare, ita ut quidquid testatum, gestum, aut ordinatum, seu alias ab ipsis dispositum fuerit, etiam in vim simplicis distributionis, ac alias omni meliori modo valeat, & servari omninò debeat, ipsaque testamenta, codicillos, dispositiones, ordinationes, donationes, legata, & statuta, etiam pluries, & toties quoties eis videbitur moderari, limitare, ac etiam in totum revocare, & alia de novo condere, etiam liberè, & licitè valeant, plenam, & liberam concedimus facultatem.

§. 8. Statuentes nihilominus, & ordinantes, eisque pariter indulgentes, quòd si contigerit ipsos ab intestato, & sine ulla, vel cum minus valida bonorum, & rerum, ac fructuum, reddituum, & proventuum prædictorum dispositione in dicta Curia, vel extra eam, ac etiam extra sua Beneficia, aut alia loca debitæ ab eis residentie personalis, etiam nulla subsistente causa ab humanis decedere, omnia, & singula eorum bona, res, & jura, etiam ut præfertur qualificata, necnon spolia pro dicta summa, etiam ex prædictis, & alias

Exemptio
à spolio
pro summa
in qua tes-
tari possunt,
si decedant
intestati.

undecumque provenientia ad Cameram Apostolicam, seu in dictis Beneficiis successores non pertineant, sed ad hæredes sanguinis eorumdem integre deveniant, & illis deficientibus inter eorum familiares arbitrio personæ, seu personarum, quas ad id scripto nominaverint, distribuantur, nisi de alia dispositione, vel intentione eorumdem, scriptura etiam minus solemniter apparet, quam tunc velut efficacem ipsæ personæ, vel alii Judices, seu Executores omnino exequi, & adimplere, illique sese conformare in omnibus, & per omnia debeant.

Dispositio
valeat per
scripturam
etiam in-
formem.

§. 9. Et nihilominus quæcumque hujusmodi testamenta, donationes, legata, dispositiones, & alia forsitan aliâ ab ipsis etiam nulla, aut minus sufficienti facultate sustulit, de hujusmodi bonis, juribus, actionibus, fructibus, pecuniis, jocalibus, aliisque rebus supradictis, etiam in favorem Consanguineorum, & Affinium prædictorum, & aliâ quomodolibet facta, cum omnibus inde fecutis, ac etiam ea, quæ per ipsos in futurum quomodolibet fient, ex nunc, prout ex tunc, & è contra, pro dicta summa ducentorum ducatorum dumtaxat approbamus, & confirmamus, omnesque, & singulos juris, & facti, ac solemnitatum omittarum, & omittendarum, nec non substantiales, aliosque defectus quoscumque, si qui interverint in eisdem, etiam si tales sint, vel fuerint, quod specialis, & specifica de ipsis mentio habenda esset, supplemus.

Deroga-
tiones op-
portune
ad omnia
& singula
privilegia
pro con-
cessa.

§. 10. Non obstantibus præmissis, ac Lateranensis Concilii novissimè celebrati de certo Notariorum numero, etiam si ad illum nondum devenit fuerit, cui per hoc aliâ derogatum non intendimus, ac de consensu præstando in pensionibus, & quibusvis aliis, etiam per Nos, & Sedem prædictam quomodolibet editis, & in futurum edendis, Cancellariæ Apostolicæ regulis, & stylo in similibus, hætenus servato, & piæ memoriæ Alexandri Papæ VI. etiam Prædecessoris nostri, tertiam partem bonorum Ecclesiasticorum Cameræ prædictæ deberi inter alia disponentis, necnon ejusdem memoriæ Bonifacii Papæ VIII. etiam Prædecessoris nostri, per quam concessionem de fructibus in absentia percipiendis, sine prævisione temporis fieri prohibentur, ac quorumvis aliorum Romanorum Pontificum Prædecessorum Nostrorum, & quibusvis aliis Apostolicis, ac in Universalibus Conciliis editis generalibus, vel specialibus Constitutionibus, & Ordinationibus, necnon Legibus Imperialibus, & aliis etiam municipalibus tam Urbis, quam quarumvis aliarum Civitatum, & locorum, in quibus Cives originarii creati sunt, ac quarumvis Ecclesiarum, Monasteriorum, Ordinum, & Hospitalis prædicti, necnon quorumvis Collegiorum, & Officiorum dictæ Curiæ, ac Regnorum, Provinciarum & Urbis, ac aliarum Civitatum, & locorum, ac prædictæ Cameræ, etiam juramento, confirmatione Apostolica, vel quavis alia firmitate roboratis statutis, & consuetudinibus, stabilimentis, usibus, & naturis, etiam si de illis servandis, & non impetrandis literis Apostolicis contra ea, nec etiam ab alio, vel aliis impetratis, aut aliâ quomodolibet concessis utendo ipsi Cappellani per se, vel eorum Procuratores præstiterint forsitan hætenus, vel in posterum eos præstare contigerit juramentum; Privilegiis quoque indultis, & literis Apostolicis dictis Ecclesiis, Monasteriis, Ordinibus, Hospitali S. Joannis Hierosolimitani, illorumque Præfibus, seu Administratoribus, & Superioribus, ac Ministris, Præceptoribus, Prioribus, Militibus etiam Antianis, Capitulis, & Conventibus, Civitatibus, & locis, aliisque personis, etiam particularibus, necnon Archiepiscopis, Episcopis, & aliis Locorum Ordinariis, etiam ejusdem S. R. E. Cardinalibus, ac dictæ Cameræ Officialibus, illorumque Collegiis, sub quibuscumque tenoribus, &

formis, ac cum quibusvis, etiam derogatoriarum derogatoriis, aliisque efficacioribus, & insolitis clausulis, irritantibusque, & aliis decretis per quoscumque Romanos Pontifices Prædecessores nostros, ac Nos, & Sedem prædictam, etiam Consistorialiter, etiam de ejusdem S. R. E. Cardinalium consilio, ac per modum Statuti, & Constitutionis perpetuorum, ac motu, & scientia paribus, deque Apostolica potestatis plenitudine, ac ad Imperatoris, Regum, Reginarum, Ducum, Marchionum, & aliorum Principum instantiam, seu illorum contemplatione, in genere, vel in specie, aut aliâ quomodolibet, etiam iteratis vicibus concessis, confirmatis, & innovatis, & in posterum concedendis, confirmandis, & innovandis, etiam si de illis, ac statutis, & stabilimentis prædictis caveatur expressè, vel tacitè, quod Urbis non nisi originariis Civibus Romanis, ac Civium eorumdem filijs: Aliarum verò partium beneficia, non nisi per personas illustres, seu nobiles, ac etiam originarios Cives, aut aliâ certo modo in illis expresso qualificatos obtineri, aut conferri respectivè possint, & nullus in Civem Urbis, aut Civitatum, Oppidorum, Terrarum, ac locorum hujusmodi admitti, seu illorum privilegiis uti possit, nisi prius in dictis Civitatibus, Oppidis, & locis per certum tempus habitaverit, seu etiam in illis bona etiam stabilia, forsitan ad certum valorem ascendenda possideat, quodque Præceptoris, & alia beneficia quæcumque dicti Hospitalis S. Joannis Hierosolimitani, tam ex ejus Institutione, quam ex stabilimentorum prædictorum dispositione, non in titulum perpetuorum beneficiorum conferri, sed in Commendam ad vitam Commendatariorum revocabiliter concedi debeant, ut sic pensionibus Ecclesiasticis, secularibus, aut aliis personis Apostolica autoritate reservandis gravari non possint, quodque stabilimentis, & privilegiis prædictis, etiam vigore clausulæ implicitæ derogationis latissimè extendendæ, etiam per quoscumque literas Apostolicas, & quasvis, etiam derogatorias derogatorias, efficacioresque & insolitas clausulas derogari non possint, nec derogatum censetur, nisi derogatio hujusmodi de consilio dictorum Cardinalium fiat, tunc demum ad id Magistri, & Conventus prædictorum expressus accedat assensus, sintque literæ derogationis hujusmodi etiam per dictum Magistrum subscriptæ, ac ei, & prædicto Conventui per diversas in forma Brevis, aut alias literas diversis temporibus, cum certis intervallis præsentatas, intimatæ, & non aliâ, nec alio modo, & semper in hujusmodi literis, quæ sic fient, etiam de simili consilio derogationis, sit apposita clausula, quod illarum effectum sortiantur, de consensu Magistri, & Conventus prædictorum, & non aliâ, aliter, nec alio modo. Quibus omnibus, & eorum singulis, etiam si pro illorum sufficienti derogatione de illis, eorumque totis tenoribus specialis, specifica, & expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut alia exquisita forma ad hoc servanda foret, ac in eis caveatur expressè, quod illis nullatenus derogari possit, quodque clausula implicitæ derogationis in rescripto, etiam Motu proprio emanato apposita, aliter in literis exprimi, vel extendi nequeat; illorum omnium tenores præsentibus pro plenè, & sufficienter expressis, ac de verbo ad verbum infertis habentes, illis aliâ in suo robore, & firmitate permanentibus, hac vice dumtaxat harum serie in genere, & in specie ad effectum præmissorum specialiter, & expressè, motu, & scientia similibus derogamus, & derogatum esse decernimus, cæceterisque contrariis quibuscumque,

§. 11. Volumus autem, quod præsentium transumptis, etiam impressis, manu alicujus Notarii publici subscriptis, & sigillo personæ in Di-

Fides transumptorum.

gnitite

gnitate Ecclesiastica constituta munitis, eadem prorsus ubique fides, tam in iudicio, quam extra illud adhibeatur, quae praesentibus adhibetur, & adhiberi posset, si forent exhibitae, vel ostensae.

§. 12. Quodque praedicti antequam gratia creationis in Notarios perfrui valeant, in manibus alicujus personae in Dignitate Ecclesiastica constitutae, professionem fidei juxta articulos pridem à Sede praedicta propositos emittere, & solitum fidelitatis iuramentum omnino praestare teneantur, & quilibet iporum teneatur.

§. 13. Caeterum volumus pariter, atque decernimus, ut si cui ex supradictis Cappellanis similes testandi de bonis, ac pensiones transferendi facultates ab aliquo Romano Pontifice Praedecessorum nostrorum, cui simile Cappellani ministerium praestiterint, concessae fuerint, praesentes literae illi quoad facultates testandi de bonis, & transferendi pensiones hujusmodi minimè suffragentur.

Dat. Romae apud S. Mariam Majorem sub Anulo Piscatoris die quarta Decembris 1693. Pontificatus Nostri Anno Tertio.

Loço ✕ Annulli Piscatoris.

J. F. Card. Albanus.

Jubiläum Universale ad implorandam Divinam opem pro Pace inter Principes Christianos.

XLVI.

INNOCENTIUS PAPA XII.

Universis Christi fidelibus praesentes litteras inspecturis salutem, & Apostolicam benedictionem.

Narrantur Sanctitatis Suae conatus ad procurandam pacem inter Principes Christianos.

Ubi primum humilitatem nostram ad supremi Apostolatus fastigium evocavit Altissimus, cum universam planè Christianam Rempubliam longè, latèque saevientium bellorum procellis agitari videremus, nihil Pastoralis officio, quo immites fungimur, antiquius fuit, quam ut Catholicos Principes diuturnis, & acerbissimis diffidiis inter se decertantes in pristinae charitatis compagem restituere studeremus. Cujus enim vel ferreum peccus non commovissent tot Populorum caedes, Urbium incendia, Provinciarum strages, excidia Regnorum? Quis ad tot, tantasque fidei Populo, absque ullo sacramento, ac prophanorum rerum discrimine, illatas calamitates, non exhorruisset? Aut quomodo Pontificia Nostra sollicitudo, qua ad opponendum Nos tanquam murum pro Domino Dei jugiter tenemur, ad innumera inde exorta, & sane gravissima Orthodoxae Religionis detrimenta non exarsisset? Hinc majori, qua potuimus, paternae charitatis contentione, atque operâ, qua precibus apud Deum, cujus praestabilem super hominum malicia bonitatem invocare non cessavimus, qua officiis apud Principes, quos ad salubria pacis consilia enixe cohortari, atque ad praelianda bella Domini, ipsismet, quibus intrer se digladiantur, armis, adversus communem, & terentium Christiani nominis Hostem excitare, atque urgere curavimus, publicae Christiani Orbis causae haecenus non desuimus, nec adesse in posterum desinemus. Cum tamen studia haec nostra optato, quam sperabamus, fructu adhuc vacua videamus, cum Propheta ingemiscere compellimur: Expectavimus pacem, & non est bonum, tempus medelae, & ecce formido, tempus curationis, & ecce turbatio. Quocumque enim pro Apostolici muneris nostri debito animum, curasque convertimus, ita sunt omnia vel multiplicatis bellis cladibus attrita, vel gliscitibus in dies discordiis prona in ruinam, ut spectaculum oculis no-

stris exhibeant semper luctuosius. Florentissimae nuper Europae Provinciae miserè nunc gementes inter praesentium æumnarum sensum, & mertum futurarum; atque, ut cum ejusdem Prophetæ verbis loquamur: Si egressus fuero ad agros, ecce occisi gladio: & si introiero in Civitatem, ecce attenuati fame. Verum quis dedit in direptionem Jacob, & Israel vastantibus? Nonne Dominus ipse, cui peccavimus; Ipse profecto, quia nolimus in viis ejus ambulare, & non audivimus legem ejus, effudit super Nos indignationem furoris sui, & forte bellum. Accedamus igitur cum fiducia ad sacram Misericordiarum Domini aram, & expiatis per veram penitentiam peccatis, caelestem iram placare, auctisque per jejuniorum labores, & elemosynarum largitiones viribus orationis, divinam opem in his urgentissimis Ecclesiae, ac Rei publicae necessitatibus unanimiter implorare conitiamur: ut ineffabilis Dei benignitas cordium contritorum holocausta in odorem suavitatis accipiens, quietem Populis, ac Regibus, & Principibus Christianis arctam, & indissolubilem animorum concordiam, pacemque Catholicæ fidei conjunctis viribus, & consiliis tuendae, & propagandae zelum largiri dignetur. Advenerunt jam Domini Adventus dies acceptabiles, dies salutis, qui sicuti Nos ad impensius orandum, ita Divinam Clementiam ad liberalius indulgendum invitant, & spem certam faciunt consequendi veram illis, & caelestem pacem, sine qua nequit ea ipsa, quam Nos afflictis rebus opem laturi incessanter inquirimus, pax humana consistere.

§. 1. Haec autem, ut ferventiori spiritus ardore, majorique fructu peragantur, ex prisco Romanae Ecclesiae omnium Matris, & Magistræ more caelestium munerum Thesaurus, quorum dispensationem fidei Nostrae commisit Divina dignatio, aperite, & larga manu erogare decrevimus. Itaque de Omnipotentis Dei Misericordia, ac Beatorum Petri, & Pauli Apostolorum ejus auctoritate confisi, ex illa ligandi, atque solvendi potestate, quam Nobis Dominus, licet indignis, contulit, universis, & singulis utriusque sexus Christi fidelibus in Alma Urbe nostra degentibus, qui solemnem Processioni, quam feriâ quintâ currentis Hebdomadæ ab Ecclesia Sanctae Mariae Angelorum in Thermis ad Basilicam ejusdem Sanctae Mariae Majoris nuncupatis de eadem Urbe, una cum Venerabilibus Fratribus nostris S. R. E. Cardinalibus, necnon Patriarchis, Archiepiscopis, & Episcopis, quos in Romana Curia adesse contigerit, ac Christianorum Regum, & Principum Oratoribus apud Nos existentibus, Praelatis quoque, & Officialibus ejusdem Curiae, universoque Clero, & Populo, benedicente Domino, agemus, devotè interfuerint, vel Sancti Joannis in Laterano, Principis Apostolorum, & Sanctae Mariae Majoris Ecclesias, seu Basilicas, vel earum aliquam intrâ spatium ejusdem vel proximè subsequenti Hebdomadæ saltem semel visitaverint, ibique per aliquod temporis spatium devotè, ut supra, Deum oraverint, ac quartâ, & sextâ feriâ, ac Sabbato alterius ex praefatis hebdomadis jejunaverint, & peccata sua confessi, Sanctissimum Eucharistiae Sacramentum in Dominica die immediatè sequenti, vel alia die intrâ eandem hebdomadam reverenter sumpserint, ac pauperibus aliquam elemosynam, prout unicuique suggeret devotio, erogaverint.

§. 2. Caeteris verò extra Urbem praedictam ubicumque degentibus, qui Ecclesias ab Ordinariis Locorum, vel eorum Vicariis, seu Officialibus, aut de eorum mandato, & ipsis deficientibus, per eos qui ibi curam Animarum exercent, postquam ad eorum notitiam haec Nostrae pervenerint, designandas, vel Ecclesiarum hujusmodi aliquam spatio duarum similiter hebdomadarum à publicatione designationis per Ordinarios, vel eorum Vicarios, seu Officiales,

Spem frustratam recognoscit ab indignatione divina propter peccata: Ac propterea emittendum divinam iram placare.

Ideo indicit Jubileum Universale

Adimplenda in Urbe ad id consequendum.

Adimplenda extra Urbem.

vel